

## Izveštaj o radu Uprave policije MUP-a Kantona Sarajevo za period januar - juni 2022. godine

### KRIMINALITET

#### STATISTIČKI POKAZATELJI

U periodu januar - juni 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 1.844 događaja sa obilježjem krivičnog djela (što je 478 ili 20,6% manje u odnosu na period januar – juni 2021. godine).

Od ukupnog broja registrovanih događaja sa obilježjem krivičnog djela, 894 ili 48,5% je evidentirano po poznatom izvršiocu, a 950 ili 51,5% po nepoznatom izvršiocu.

Od ukupno 950 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 267 ili 28,1% (što je za 10,2% više u odnosu na uporedni period).

U izvještajnom periodu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 1.063 obavijesti (458 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U PERIODU JANUAR- JUNI 2022/21. GODINE

period	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>JANUAR -JUNI 2022. GODINE</b>	<b>1.844</b>	<b>894</b>	<b>950</b>	<b>267</b>	<b>215</b>	<b>1.086</b>	<b>23</b>	<b>636</b>	<b>397</b>	
JANUAR -JUNI 2021. GODINE	2.322	1.186	1.136	203	142	1.288	35	735	455	
uporedba	+/-	-478	-292	-186	64	73	-202	-12	-99	-58
	%	-20,6%	-24,6%	-16,4%	31,5%	51,4%	-15,7%	-34,3%	-13,5%	-12,7%

U prvih šest mjeseci ove godine prijavljeno je 1.086 lica (202 manje), 636 povratnika (99 manje) (ili 58,6% od ukupnog broja prijavljenih lica), 23 maloljetnika (12 manje), a 397 lica je lišeno slobode (58 manje).

Za događaje sa obilježjem krivičnog djela, koji su evidentirani u izvještajnom periodu, prema izjavama oštećenih lica, nastupila je materijalna šteta u ukupnom iznosu od 3.803.274,08 KM i 60.750,00 € (u periodu januar – juni prethodne godine, materijalna šteta iznosila je 3.381.386,86 KM i 13.300,00 €).

**TABELARNI PREGLED DOGAĐAJA SA OBILJEŽJEM KRIVIČNOG DJELA U PERIODU JANUAR - JUNI 2022/21. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	JANUAR - JUNI 2022. GODINE	JANUAR -JUNI 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv ustavnog poretka Federacije	<b>1</b>	1	0	isto	1	0	0	---
Protiv života i tijela	<b>115</b>	115	0	isto	95	20	11	55%
Protiv slobode i prava čovjeka i građanina	<b>113</b>	115	-2	-1,7%	106	7	2	28,6%
Protiv spolne slobode i morala	<b>7</b>	12	-5	-41,7%	6	1	0	0%
Protiv braka, porodice i mladeži	<b>121</b>	111	10	9%	121	0	0	---
Protiv zdravlja ljudi	<b>138</b>	203	-65	-32%	138	0	0	---
Protiv privrede, poslovanja i sigurn. platnog prometa	<b>0</b>	5	-5	---	0	0	0	---
Protiv imovine	<b>1.111</b>	1.362	-251	-18,4%	229	882	233	26,4%
Protiv okoliša, poljoprivrede i prirodnih dobara	<b>3</b>	0	3	---	2	1	0	0%
Protiv opće sigurnosti ljudi i imovine	<b>57</b>	59	-2	-3,4%	30	27	15	55,6%
Protiv sigurnosti javnog prometa	<b>63</b>	47	16	34%	63	0	0	---
Protiv pravosuđa	<b>16</b>	16	0	isto	11	5	3	60%
Protiv javnog reda i pravnog prometa	<b>52</b>	191	-139	-72,8%	45	7	3	42,9%
Protiv podmićivanja i krivična djela protiv službene i druge odgovorne funkcije	<b>20</b>	61	-41	-67,2%	20	0	0	---
Protiv sistema elektronske obrade podataka	<b>0</b>	3	-3	---	0	0	0	---
Protiv čovječnosti i vrijednosti zaštićenih međunarodnim pravom (KZ BiH)	<b>3</b>	0	3	---	3	0	0	---
ZOSNINPNSP-a Zakon o sprečavanju nasilja i nedoličnog ponašanja na sportskim priredbama (Službene novine KS br.7/07)	<b>1</b>	0	1	---	1	0	0	---
Zakon o nabavljanju, držanju i nošenju oružja i municije (Sl.novine Kantona Sarajevo br. 01/18)	<b>23</b>	21	2	9,5%	23	0	0	---
<b>UKUPNO</b>	<b>1.844</b>	2.322	-478	-20,6%	894	950	267	28,1%

U periodu januar - juni 2022. godine u odnosu na isti period prethodne godine, zabilježeno je značajno smanjenje broja registrovanih događaja sa obilježjem krivičnog djela za 478 ili 20,6%. Najznačajnije smanjenje zabilježeno je u oblastima protiv imovine (za 251 događaj), javnog reda i pravnog prometa (za 139), zdravlja ljudi (za 65), „podmićivanja“ (za 41), itd., dok je povećanje evidentirano u oblastima protiv sigurnosti javnog prometa (za 16), braka, porodice i mladeži (za deset događaja), itd.

U prvom polugodištu 2022. godine za 473 službena izvještaja, od strane Kantonalnog tužilaštva, donesena je naredba o obustavi i neprovođenju istrage (253 ili 34,8% manje u odnosu na uporedni period).

### **PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

#### **PROTIV ŽIVOTA I TIJELA**

U periodu januar - juni 2022. godine evidentirano je 115 događaja sa obilježjem krivičnog djela iz oblasti protiv života i tijela (isti broj kao u uporednom periodu) i to 95 po poznatom i 20 po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - tri (jedan više),
- ubistvo u pokušaju (član 166. KZ FBiH u vezi člana 28.) - sedam (četiri manje),
- teška tjelesna ozljeda (član 172. KZ FBiH) - 31 (osam manje),
- lahka tjelesna ozljeda (član 173. KZ FBiH) - 73 (13 više) i
- učestvovanje u tuči (član 174. KZ FBiH) - jedan događaj (jedan manje).

Nadležnom tužilaštvu podneseni su službeni izvještaji protiv 123 lica, od koji je 66 povratnika ili 53,6%, a 31 je lišen slobode.

PROTIV SLOBODE I PRAVA ČOVJEKA I GRAĐANINA

U ovoj oblasti evidentirano je 113 događaja sa obilježjem krivičnog djela (dva manje) i to: ugrožavanje sigurnosti – 111 i protupravno lišenje slobode - dva događaja, za čije je izvršenje evidentirano 98 lica, od kojih je 55 povratnika (ili 56,1%), a 17 je lišeno slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA  
UGROŽAVANJE SIGURNOSTI IZ ČLANA 183. KZ FBiH-a PO MJESECIMA U PERIODU JANUAR – JUNI 2022/21. GODINE

ugrožavanje sigurnosti (član 183. KZ FBiH-a)	januar	februar	mart	april	maj	juni	januar – juni 2022/21. godine
<b>januar – juni 2022. godina</b>	<b>24</b>	<b>17</b>	<b>17</b>	<b>8</b>	<b>22</b>	<b>23</b>	<b>111</b>
januar – juni 2021. godina	23	19	23	11	20	15	111
<i>uporedba (+,-)</i>	<i>1</i>	<i>-2</i>	<i>-6</i>	<i>-3</i>	<i>2</i>	<i>8</i>	<i>isto</i>

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentiran je 121 događaj sa obilježjem krivičnog djela (deset više) i to: nasilje u porodici - 116, izbjegavanje izdržavanja – dva, zapuštanje ili zlostavljanje djeteta ili maloljetnika, oduzimanje djeteta ili maloljetnika i trgovina ljudima - po jedan događaj za čije izvršenje su prijavljena 123 lica, od kojih su 69 povratnika (ili 56,1%), a 75 lica je lišeno slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA  
NASILJA U PORODICI IZ ČLANA 222. KZ FBiH-a PO MJESECIMA U PERIODU JANUAR – JUNI 2022/21. GODINE

nasilje u porodici (član 222. KZ FBiH-a)	januar	februar	mart	april	maj	juni	januar – juni 2022/21. godine
<b>januar – juni 2022. godina</b>	<b>17</b>	<b>15</b>	<b>21</b>	<b>17</b>	<b>18</b>	<b>28</b>	<b>116</b>
januar – juni 2021. godina	16	12	23	11	18	21	101
<i>uporedba (+,-)</i>	<i>1</i>	<i>3</i>	<i>-2</i>	<i>6</i>	<i>0</i>	<i>7</i>	<i>15</i>

PROTIV ZDRAVLJA LJUDI

Evidentirano je 138 događaja sa obilježjem krivičnog djela iz ove oblasti (65 manje) i to:  
- neovlašćena proizvodnja i stavljanje u promet opojnih droga (čl. 238. KZ FBiH) – 25 (tri više) i  
- posjedovanje i omogućavanje uživanja opojnih droga (čl. 239. KZ FBiH) – 113 događaja (61 manje).  
Nadležnom tužilaštvu podneseni su službeni izvještaji protiv 138 lica (61 manje), među kojima su 94 povratnik (ili 68,1%), a 62 lica su lišena slobode (22 manje).

Polijski službenici Uprave policije su Kantonalnom tužilaštvu Sarajevo podnijeli službeni izvještaj protiv 28 lica zbog postojanja osnova sumnje da je u proteklom periodu u više navrata kupovali opojnu drogu "Marihuana", "Amfetamin", „Heroin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 110 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Extazy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U PERIODU JANUAR - JUNI 2022/21. GODINE

VRSTA OPOJNE DROGE	JANUAR - JUNI 2022. GODINE	JANUAR - JUNI 2021. GODINE
Marihuana (grama)	<b>15.918,167</b>	1.370,56
Marihuana (komada)	<b>52</b>	79
Heroin (komada)	<b>21</b>	0
Heroin (grama)	<b>120,3</b>	101,048
Amfetamin (komada)	<b>6</b>	16
Amfetamin (grama)	<b>2.175,024</b>	1.933,33
Kokain (grama)	<b>9</b>	5
Extazy (komada)	<b>102</b>	87
Speed (grama)	<b>13,338</b>	9.108,809
Speed (komada)	<b>35</b>	---
Cannabis – sjemenke (komada)	<b>1.000</b>	1.346
Cannabis - stabljika (komada)	<b>316</b>	102
pribor sa ostacima droge (komada)	<b>60</b>	39

PROTIV IMOVINE

U ovom periodu, evidentirano je 1.111 događaja sa obilježjem krivičnog djela protiv imovine (229 po poznatom i 882 po nepoznatom izvršiocu) što je za 251 ili 18,42% manje odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 492 (156 manje),
- krađa (član 286. KZ FBiH) – 346 (24 manje),
- razbojništvo (član 289. KZ FBiH) – 70 (73 manje),
- oštećenje tuđe stvari (član 293. KZ FBiH) – 102 (jedan više),
- utaja (član 290. KZ FBiH) – 29 (sedam više),
- prijevara (član 294. KZ FBiH) - 29 (devet više),

Nadležnom tužilaštvu podneseni su službeni izvještaji protiv 348 lica, od kojih je 239 povratnika (ili 68,7%), a 127 je lišeno slobode. Od ukupno 882 događaja evidentirana po nepoznatom izvršiocu iz oblasti protiv imovine naknadno su rasvijetljena 233 ili 26,4% što je za 9,1% više u odnosu na uporedni period.

U prvom polugodištu ove godine, prema objektima izvršenja teških krađa, 191. je izvršena u stambene objekte (65 manje u odnosu na uporedni period), 137 u poslovne prostorije (isto), 89 u motorna vozila (otuđenja motornih vozila i “provale” u ista) (72 manje), 41. na ulici (pet manje), itd. pri čemu je otuđivan novac, nakit, tehnička roba, motorna vozila, cigarete, prehrambeni proizvodi, građevinski materijal, itd.

Evidentirano je 20 otuđenja motornih vozila što je za 44 ili 68,8% manje u odnosu na uporedni period.

Takođe, u periodu januar – juni 2022. godine pronađeno je i vraćeno 20 motornih vozila. (Uprava policije MUP-a KS-a pronašla je i vratila – osam, MUP RS-a – četiri, drugi MUP-ovi – četiri i vlasnici su pronašli – četiri vozila).

Evidentirano je 346 događaja sa obilježjem krivičnog djela krađe (24 manje) i to: na ulici – 139 puta, u poslovnim prostorima - 90, u stambenim objektima - 48, vozilima i na stajalištima GRAS-a – 46, itd. odakle su otuđivani novčanici, mobiteli, prehrambeni proizvodi, bicikli, električni romobili, auto-dijelovi, itd.

Evidentirano je 39 događaja sa obilježjem krivičnog djela teških krađa na naročito opasan ili naročito drzak način (isti broj), u kojima su izvršiocu, upotrebom fizičke snage (otimanjem i trganjem) - 24 puta i verbalnom prijetnjom u 15 slučajeva, otimali mobitele, novac, nakit i tašne, a evidentirani su: 23 puta na ulici, u prodavnicama – devet, u apoteci i stambenom objektu – po dva, itd.

Nadležnom tužilaštvu podneseni su službeni izvještaji protiv 15 lica, od kojih je 12 povratnika u činjenju krivičnih djela (ili 80%), a sedam je lišeno slobode.

U prvom polugodištu ove godine evidentirano je 70 događaja (73 ili 51% manje) sa obilježjem krivičnog djela razbojništva (osam po poznatom i 62 po nepoznatom izvršiocu).

Nadležnom tužilaštvu podneseni su službeni izvještaji protiv 56 lica, od kojih je 41 povratnika (ili 73,2%), a 32 lica su lišena slobode. Od ukupno 62 događaja razbojništva evidentiranih po nepoznatom izvršiocu, naknadno je rasvijetljeno 47 ili 75,8% (što je za 38,9% više u odnosu na uporedni period).

Razbojništva su izvršena prijetnjom upotrebe vatrenog oružja – 21., prijetnjom upotrebe noža ili drugog oštrog predmeta – 25 i upotrebom fizičke snage – 24 puta, a počinjena su u poslovnim prostorijama – 32, na ulici – 21, u apotekama – pet, u sportskim kladionicama – četiri puta, itd. Otudivan je novac, mobiteli, nakit, cigarete, itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 57 događaja (dva manje) i to: - izazivanje opće opasnosti – 47, nesavjesno čuvanje pasa i drugih opasnih životinja - pet, teška krivična djela protiv opće sigurnosti ljudi i imovine – četiri i izazivanje opće opasnosti u pokušaju – jedan događaj. Nadležnom tužilaštvu podneseni službeni izvještaji protiv 40 lica, od kojih je 29 povratnika (ili 72,5%), a 22 su lišena slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru 36 puta, u stambenim objektima – pet, u ugostiteljskim i školskim objektima – po dva, u poslovnom prostoru i u prostorijama suda – po jednom, pri čemu je u 15 slučajeva bačena nepoznata eksplozivna naprava, 24 puta je otvorenim plamenom izazvan je požar, u pet slučajeva pucano je iz vatrenog oružja i u tri slučaja radilo se o lažnim dojavama o postavljenoj eksplozivnoj napravi u školskim prostorijama (dvije) i u prostorijama suda (jedna). Posljedica navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirana su 52 događaja sa obilježjem krivičnog djela (139 manje)<sup>1</sup> i to: nasilničko ponašanje – 26, nedozvoljeno držanje oružja ili eksplozivnih materija – 11, krivotvorenje isprave – osam, napad na službenu osobu u vršenju poslova sigurnosti – četiri, sprječavanje službene osobe u vršenju službene radnje, lažno predstavljanje i samovlašće – po jedan događaj.

Nadležnom tužilaštvu podneseni su službeni izvještaji protiv 59 (139 manje) lica od kojih je 28 povratnika (ili 47,4%), a osam je lišeno slobode (26 manje).

#### PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirano je 20 događaja sa obilježjem krivičnog djela (41 manje) i to: davanje dara i drugih oblika koristi - sedam, pronevjera u službi – šest, primanje dara i drugih oblika koristi – četiri, zloupotreba položaja ili ovlaštenja – tri događaja. Nadležnom tužilaštvu podneseni su službeni izvještaji protiv 20 lica (43 manje), a šest je lišeno slobode (četiri manje).

#### DOGAĐAJI SA OBILJEŽJEM KRIVIČNOG DJELA REGULISANI ZONDINOIM-om

U periodu januar-juni 2022. godini evidentirana su 23 događaja (dva više) regulisanih Zakonom o nabavljanju, držanju i nošenju oružja i municije Kantona Sarajevo, a nadležnom tužilatvu podneseni su službeni izvještaji protiv 25 lica.

**DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA**

U periodu januar-juni 2022. godine evidentirano je 29 događaja sa obilježjem krivičnog djela, u kojima su učestvovala 23 maloljetna lica. U odnosu na isti period 2021. godine smanjen je broj događaja sa obilježjem krivičnog djela za 16 ili 35,5%, kao i broj maloljetnih lica za 12 ili 34,3%. Prijavljeni maloljetnici su u dobi do 16 godina – 11, od 16 do 18 godina – 12, a osam je povratnika.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U PERIODU JANUAR - JUNI 2022/2021. GODINE

period	Broj događaja sa obilježjem krivičnog djela	Broj evidentiranih maloljetnih lica
JANUAR - JUNI 2022. GODINE	29	23
JANUAR - JUNI 2021. GODINE	45	35
<i>uporedba</i>	<i>-16 ili 35,5%</i>	<i>-12 ili 34,3%</i>

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U PERIODU JANUAR - JUNI 2022/2021. GODINE

Događaji sa obilježjem krivičnog djela	januar-juni 2022.	januar-juni 2021.
Izazivanje narodnosne, rasne i vjerske mržnje, razdora ili netrpeljivosti	---	1
Ubistvo	1	---
Ubistvo sa saučiniteljstvom	---	1
Teška tjelesna povreda	5	4
Lahka tjelesna povreda	8	5
Ugrožavanje sigurnosti	---	2
Spolni odnošaj s djetetom	---	1
Nasilje u porodici	1	1
Nepostupanje po zdravstvenim propisima za vrijeme epidemije	---	1
Neovlašćena proizvodnja i stavljanje u promet opojnih droga	---	1
Posjedov. i omoguć. uživanja opoj. droga	---	5
Krađa	---	2
Teška krađa	---	2
Teška krađa-pokušaj	---	1
Teška krađa na naroč. opasan ili naročito drzak način	1	---
Razbojništvo	7	6
Razbojništvo u pokušaju	---	1
Oštećenje tuđe stvari	1	2
Izazivanje opće opasnosti	1	---
Teška krivična djela protiv sigurnosti javnog prometa u vezi ugrožavanja javnog prometa	---	1
Teška krivična djela protiv opće sigurnosti ljudi i imovine	1	---
Neukazivanje pomoći osobi ozlijeđenoj u prometnoj nezgodi	---	1
Udruživanje radi činjenja krivičnih djela	2	---
Napad na službenu osobu u vršenju poslova sigurnosti	---	1
Nasilničko ponašanje	1	4
74. ZONDINOIM	---	2
ukupno	29	45

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U periodu januar - juni 2022. godine na području Kantona Sarajevo evidentirano je 15 događaja aktiviranja minsko-eksplozivnih sredstava (sedam više u odnosu na isti period 2021. godine) usljed čega je nastupila materijalna šteta. U pet slučajeva identifikovani su učinioci i protiv istih su preduzete zakonske mjere. Preduzimaju se aktivnosti na rasvjetljavanju ostalih događaja i pronalaženju učinilaca.

Na području Kantona Sarajevo evidentirano je 197 anonimnih dojava o postavljenoj eksplozivnoj napravi (dvije u periodu januar - juni 2021. godine), a odnosile su se na Policijske stanice, Uprave policije, MUP-a KS, Vrhovni, Kantonalni, Općinski sud, osnovne i srednje škole, zgradu općine Centar. Nakon KDZ pregleda utvrđeno je da su dojave bile lažne. U četiri slučaja identifikovani su učinioci i protiv istih su preduzete zakonske mjere. Preduzimaju se aktivnosti na rasvjetljavanju ovih događaja i pronalaženju učinioaca.

### POŽARI

U periodu januar- juni 2022. godine na području Kantona Sarajevo registrovana su 104 požara (12 manje) u kojima su tri lica poginula, a 10 lica povrijeđeno.

Prema statističkim pokazateljima 26 požara je izazvano namjerno, 14 zbog tehničkih nedostataka, 12 nehatom, dok uzroci 52 požara spadaju u kategoriju ostalih.

Požari su evidentirani u:

- Stambenom objektu - 31 put,
- Saobraćajnom sredstvu - 26 puta,
- Poslovnom prostoru - sedam,
- Pomoćnom objektu - pet,
- Šumi - pet,
- Proizvodnom objektu -jednom,
- Ostalim objektima - 29 puta.

Zbog izazivanja požara nadležnom tužilaštvu podneseno je 26 službenih izvještaja: 24 iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

### SAMOUBISTVA

Tokom prvog polugodišta 2022. godine na području Kantona Sarajevo registrovano je 19 samoubistava (jedno manje), koja su izvršena: vješanjem - 13 puta, skakanjem sa visine - tri puta, upotrebom vatrenog oružja, upotrebom oštrog predmeta i trovanjem - po jednom.

Izvršioci su: 16 osoba muškog i tri osobe ženskog spola.

Muškarci su starosne dobi: preko 60 godina - osam lica, od 50 do 60 godina - četiri, od 25 do 30 - tri i od 40 do 50 godina - jedno lice.

Osobe ženskog spola su starosne dobi: do 18 godina, od 30 do 40 i preko 60 godina - po jedno lice.

### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je devet pušaka, 38 pištolja, tri ručne bombe, 13 noževa, dva boksera, pola kilograma eksploziva, 752 kom. municije raznog kalibra, itd.

U periodu januar - juni ove godine fizičkim licima izdato je 1.077 odobrenja za nabavku vatrenog oružja i 959 oružnih listova.

## JAVNI RED I MIR

U periodu januar - juni 2022. godine u oblasti protiv javnog reda i mira evidentirana su 2.202 prekršaja (4.787 ili 68,5% manje u odnosu na isti period 2021. godine), a za izvršenje navedenih prekršaja prijavljena su 2.323 lica (4.754 ili 67,2% manje).

Zbog učinjenih prekršaja u oblasti protiv javnog reda i mira izdato je 1.859 naloga i podnesena su 343 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 2.033 prekršaja (ili 92,3%), a na prekršaje koji su utvrđeni Odlukom općinskih vijeća o javnom redu i miru 169 (ili 7,7%).

Od ukupnog broja prijavljenih lica, 616 je povratnika u činjenju prekršaja, a prema starosnoj strukturi učinilaca prekršaja, najbrojniji su preko 36 godina (1.074), u dobi između 26 i 35 godina (821), između 19 i 25 godina (424) i do 18 godina – četiri.

Prilikom narušavanja javnog reda i mira u periodu januar – juni 2022. godine, nije bilo teže povrijeđenih lica (kao u istom periodu 2021. godine), dok je 56 lica (27 više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA PERIOD JANUAR – JUNI 2022./2021.GODINE

STRUKTURA PREKRŠAJA	Broj prekršaja		uporedba + - %
	januar-juni 2022.	januar-juni 2021.	
Tuče	142	126	+16 ili 12,7%
Naročito drsko ponašanje	220	195	+25 ili 12,8%
Odbijanje naređenja i omal. pol. sl.	136	876	-740 ili 84,5%
Svađa, vika, nepristojno ponašanje	75	80	-5 ili 6,2%
Uživanje opojne droge na j. mjestu	84	137	-53 ili 38,7%
Neovlaštena upotreba oružja	1	5	-4 ili 80%
Paljenje petardi	9	2	+7 ili 350%
Prosjačenje	1.001	626	+375 ili 59,9%
Ostali prekršaji iz Zakona o JRiM	365	4.765	-4.400 ili 92,3%
Prekršaji prema odluci općin. vijeća	169	177	-8 ili 4,5%
UKUPNO	2.202	6.989	-4.787 ili 68,5%

U periodu januar - juni 2022. godine, u odnosu na period januar - juni 2021. godine, povećan je broj sljedećih prekršaja:

- prosjačenje za 375 ili 59,9%,
- naročito drsko ponašanje za 25 ili 12,8%,
- tuče za 16 ili 12,7% i
- paljenje petardi za sedam ili 350%;

dok je smanjen broj sljedećih prekršaja:

- ostali prekršaji iz Zakona o JRiM za 4.400 ili 92,3%,
- odbijanje naređenja i omalovažavanje policijskih službenika za 740 ili 84,5%,
- uživanje opojne droge na javnom mjestu za 53 ili 38,7%,
- prekršaji koji su regulisani Odlukom općinskih vijeća za osam ili 4,5%,
- svađa, vika, nepristojno ponašanje za pet ili 6,2%,
- neovlaštena upotreba oružja za četiri ili 80%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (2.058 ili 93,5% od ukupnog broja), a znatno manje u ugostiteljskim objektima - 27, u školama i školskim dvorištima – 11, trgovinskim i zanatskim radnjama – osam, sportskim stadionima i

dvoranama – pet, u vozilima javnog saobraćaja – tri, dok je na ostalim mjestima evidentirano 90 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA PERIOD JANUAR – JUNI 2022/2021. GODINE

MJESTO IZVRŠENJA	JANUAR - JUNI 2022.	JANUAR - JUNI 2021.	+ - %
Ulice i drugi otvoreni prostori	2.058	6.852	-4.794 ili 70%
Ugostiteljski objekti	27	27	isti broj
Sportski stadioni i dvorane	5	3	+2 ili 66,7%
Vozila javnog saobraćaja	3	---	+3
Škole i školska dvorišta	11	---	+11
Trgovine i zanatske radnje	8	8	isti broj
Ostala mjesta	90	99	-9 ili 9,1%
UKUPNO	2.202	6.989	-4.787 ili 68,5%

U odnosu na isti period 2021. godine, povećan je broj prekršaja evidentiranih u školama, školskim dvorištima, u vozilima javnog saobraćaja i na sportskim stadionima i dvoranama, a smanjen je broj prekršaja na ulici i drugim otvorenim prostorima i na ostalim mjestima, dok je broj prekršaja ostao isti u ugostiteljskim objektima i u trgovinama i zanatskim radnjama.

Na području Kantona Sarajevo u periodu januar-juni 2022. godine održana su 1.432 javna skupa (587 ili 69,5% više u odnosu na isti period 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 281 KDZ osiguranje.

## SAOBRAĆAJ

U periodu januar-juni 2022. godine, u odnosu na isti period 2021. godine, na području Kantona Sarajevo smanjen je broj saobraćajnih nezgoda, nezgoda sa materijalnom štetom i broj poginulih lica, dok je povećan broj nezgoda sa nastradalim licima i broj povrijeđenih lica.

Registrovane su 3.174 saobraćajne nezgode (41. ili 1,3 % manje), od čega je 2.746 sa materijalnom štetom (116 ili 4 % manje) i 428 sa nastradalim licima (75 ili 21,2 % više).

U navedenim nezgodama četiri lica su poginula (šest ili 60 % manje), a 542 lica su povrijeđena (114 ili 26,6 više), od čega 69 teže i 473 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
JANUAR – JUNI 2022/2021. GODINA

	2022.	2021.	uporedba
UKUPNO SAOBRAĆAJNIH NEZGODA	3.174	3.215	- 41 ili 1,3 %
Saobraćajne nezgode sa nastradalim licima	428	353	+ 75 ili 21,2 %
Saobraćajne nezgode sa materijalnom štetom	2.746	2.862	- 116 ili 4 %
POGINULO LICA	4	10	- 6 ili 60 %
- vozači	2	6	- 4 ili 66,7 %
-putnici	0	2	- 2
- pješaci	2	2	----
POVRIJEĐENO LICA	542	428	+ 114 ili 26,6 %
- vozači	293	233	+ 60 ili 25,7 %
- putnici	150	116	+ 34 ili 29,3 %

pješaci	99	79	+ 20 ili 25,3 %
---------	----	----	-----------------

U naselju je registrovano 2.913 saobraćajnih nezgoda (tri sa poginulim, 378 sa povrijeđenim licima i 2.532. sa materijalnom štetom), a van naselja 261. saobraćajna nezgoda (jedna sa poginulim, 46 sa povrijeđenim licima i 214 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO  
JANUAR- JUNI 2022. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	3	64	314	2.532	<b>2.913</b>	3	65	413
van naselja	1	3	43	214	<b>261</b>	1	4	60
<b>UKUPNO</b>	<b>4</b>	<b>67</b>	<b>357</b>	<b>2.746</b>	<b>3.174</b>	<b>4</b>	<b>69</b>	<b>473</b>

Prema kategoriji puta, saobraćajne nezgode registrovane su:

- na ulicama u naselju - 2.058 nezgoda (dva lica poginula, 297 lica povrijeđeno),
- na magistralnim putevima - 352. (jedno lice poginulo, 123 lica povrijeđena),
- na lokalnim putevima - 317 (58 lica povrijeđeno),
- na regionalnim putevima - 102. (27 lica povrijeđeno),
- na putevima koji se ubrajaju u kategoriju ostalih - 345 (jedno lice poginulo, 37 lica povrijeđeno).

Prema karakteristikama puta, saobraćajne nezgode registrovane su:

- na raskrsnicama u naselju - 454 (100 lica povrijeđeno),
- na pješačkim prelazima - 62. (32 lica povrijeđena),
- na raskrsnicama van naselja - 48 (devet lica povrijeđeno),
- na mostu - 21. (dva lica povrijeđena),
- u tunelu - šest (jedno lice povrijeđeno),
- na prelazu preko željezničke pruge - jedna saobraćajna nezgoda (bez nastradalih lica),
- na putevima koji se ubrajaju u karakteristike ostalih - 2.582. saobraćajne nezgode (četiri lica poginula, 398 lica povrijeđeno).

#### POSLJEDICE SAOBRAĆAJNIH NEZGODA

U periodu januar- juni 2022. godine, u saobraćajnim nezgodama na području Kantona Sarajevo nastradalo je ukupno 546 lica (108 ili 24,7 % više). Četiri lica su poginula (šest ili 60 % manje), dok su 542 lica povrijeđena (114 ili 26,6 % više), od čega 69 teže (šest ili 9,5 % više) i 473 lakše (108 ili 29,6 % više).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA  
JANUAR-JUNI 2022/2021.GODINA

PERIOD vrsta posljedice	2022. GODINA			2021. GODINA			UPOREDBA 2022/21. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
<b>VOZAČI</b>	2	19	274	6	26	207	- 4	- 7	+ 67
<b>PUTNICI</b>	0	10	140	2	10	106	- 2	----	+ 34
<b>PJEŠACI</b>	2	40	59	2	27	52	----	+ 13	+ 7
<b>UKUPNO</b>	4	69	473	10	63	365	- 6	+ 6	+ 108

KATEGORIJE LICA POGINULIH U SAOBRAĆAJNIM NEZGODAMA

- Vozači - dva i
- Pješaci - dva

STEPEN POVREDA UČESNIKA U SAOBRAĆAJNIM NEZGODAMA

- Vozači : 293 vozača povrijeđena (19 teže i 274 lakše),
- Putnici: 150 putnika povrijeđeno (10 teže i 140 lakše),
- Pješaci: 99 pješaka povrijeđeno (40 teže i 59 lakše).

Starosna struktura nastradalih lica u saobraćajnim nezgodama je slijedeća:

- Ispod 6 godina - pet lica,
- od 6 do 14 godina - 45,
- od 15 do 17 godina - 19,
- od 18 do 20 godina - 28,
- od 21 do 24 godina - 51,
- od 25 do 30 godina - 99,
- od 31 do 40 godina - 111,
- od 41 do 50 godina - 79,
- od 51 do 65 godina - 64,
- 66 i više godina - 37,
- Nepoznata starosna dob - osam lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 47 lica,
- od 23 do 30 godina - 70,
- od 30 do 40 godina - 81,
- od 40 do 50 godina - 56,
- od 50 do 60 godina - 24,
- 60 i više godina - 14,
- Nepoznata starosna dob - tri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 511 (jedno lice poginulo, 160 lica povrijeđeno),
- uticaj alkohola - 10 (tri lica povrijeđena),
- klizav put- 10 (osam lica povrijeđeno),
- neispravan pneumatik - jedna nezgoda (bez nastradalih lica),
- odron na putu - jedna saobraćajna nezgoda (bez nastradalih lica),
- ostali uzroci -2.641. (tri lica poginula, 371. lice povrijeđeno).

#### AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, policijski službenici su kontrolisali ukupno 99.580 vozila (11.867 ili 13,5 % više).

Zbog kršenja propisa iz oblasti sigurnosti saobraćaja uručen je 95.391 prekršajni nalog vozačima (14.528 ili 18% više), podneseno 1.440 zahtjeva za pokretanje prekršajnog postupka (320 ili 28,6% više) i registrovana 63 događaja s obilježjem krivičnog djela zbog ugrožavanja sigurnosti saobraćaja (16 ili 34 % više).

Zbog tehničke neispravnosti, iz saobraćaja je isključeno 305 vozila (150 ili 96,8 % više), 1.695 vozača je zatečeno da upravljaju vozilom pod dejstvom alkohola (947 ili 126,6 % više), 2.834 bez korištenja sigurnosnog pojasa (936 ili 49,3 % više), 770 bez položenog vozačkog ispita (218 ili 22,1 % manje), 337 pod izrečenom zaštitnom mjerom (dva ili 0,6 % manje), 2.041 vozač je zatečen da koristi mobitel tokom vožnje (231 ili 12,8 % više), a 1.537 vozila je otkriveno da učestvuju u saobraćaju bez važeće registracije (14 ili 0,9 % više).

#### MIRUJUĆI SAOBRAĆAJ I KONTROLA PJEŠAKA

U periodu januar-juni 2022. godine, pripadnici Uprave policije su uručili 51.282 prekršajna naloga (13.760 više) vozačima koji nisu poštivali saobraćajne propise prilikom parkiranja, upozorili 1.321. vozača (devet manje), a specijalnim vozilom „pauk“ premjestili su 722 vozila (296 više). Takođe, pješacima koji su kršili saobraćajne propise uručena su 792 prekršajna naloga (71 više), a upozoreno je 107 pješaka (377 manje).

#### ZAKONITOST U RADU

U periodu januar-juni 2022. godine, registrovana su četiri pojedinačna napada (17 ili 80,9 % manje) na policijske službenike Uprave policije MUP-a Kantona Sarajevo. U napadima su učestvovala četiri punoljetna lica među kojima je jedan strani državljanin. Napadači su koristili fizičku snagu i tom prilikom su tri policijska službenika lakše povrijeđena.

Policijski službenici Uprave policije su tokom izvještajnog perioda u 11 slučajeva (isto kao u porednom periodu) opravdano upotrijebili silu:

- Fizičku snagu i sredstva za vezivanje - osam puta
- Fizičku snagu - tri puta

Tokom prvog polugodišta 2022. godine, razmatrano je 185 predstavljanja na rad policijskih službenika. Nakon razmatranih predstavljanja, Odbor za žalbe građana Skupštine Kantona Sarajevo donio je zaključak

da se za 55 predstavlki (29 manje) provede unutrašnja istraga, za 125 predstavlki je odlučeno da se izvrše provjere i prikupi dokumentacija, dvije predstavlke su pripojene već postojećem spisu, u jednom slučaju predstavlka je neosnovana, s jednom predstavkom je upoznat Odbor, dok se za jednu predstavku Odbor proglasio nenadležnim.

Okončano je 57 unutrašnjih istraga, od čega je 17 neosnovanih, 17 je bilo bez dovoljno dokaza, u 12 slučajeva istrage su osnovane, u šest slučajeva interni postupak je prekinut do okončanja krivičnog postupka ili krivične istrage, u četiri slučajeva stranka je odustala od žalbe, dok je u jednom slučaju istraga obustavljena.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom prvog polugodišta 2022. godine preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Službenici policije su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

U okviru koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, izdvajamo slijedeće aktivnosti:

- Učestvovanje na konferenciji povodom završetka implementacije programa “Socijalizacija s prvom i prevencija maloljetničke delinkvencije u Federaciji Bosne i Hercegovine”,
- Učestvovanje u Dijalogu mladih i vlasti - u susret strategiji prema mladima,
- Učestvovanje na edukaciji iz oblasti znakovnog jezika,
- Učestvovanje na treningu na temu „Borba protiv trgovine ljudima“,
- Kreiranje edukativne radionice “Borba protiv trgovine ljudima” za učenike srednjih škola,
- Učestvovanje na dvodnevnoj multisektorskoj radionici “Pristup i povjerenje Roma u institucije sigurnosti i pravosuđa u BiH”,
- U saradnji sa VSTV BiH, MFS EMMAUS-Centar za sigurni internet i Ministarstvom za odgoj i obrazovanje Kantona Sarajevo održane su edukativne radionice za učenike srednjih škola pod nazivom: „Borba protiv trgovine ljudima“ kojom prilikom je održano 59 predavanja kojima je prisustvovalo 2.096 učenika i nastavnog osoblja,
- Održane edukativne radionice na temu „Stop vršnjačkom nasilju“, „Cyberbulling“, „Djeca u saobraćaju“ i „Lopov uvijek bude otkriven“, kojom prilikom je održano 19 predavanja kojima je prisustvovalo 612 učenika osnovnih škola,
- Održane su edukativne radionice u osnovnim i srednjim školama i organizovane aktivnosti posjeta djece iz predškolskih ustanova policijskim stanicama u cilju promovisanaja zanimanja „policajac“. Teme edukativnih radionica su bile: „Oružje ne štiti, oružje ubija“, „Stop međuvršnjačkom nasilju“, „Policajac moj prijatelj“ i dr.,
- U sklopu aktivnosti Uprave policije osiguran bezbjedan prolazak učenika iz šest osnovnih škola sa područja općine Novi Grad u posjetu Srebrenici,
- Nastavljena je realizacija projekta „Program socijalizacije s pravom“ i završena realizacija programa prevencije iz oblasti trgovine ljudima, koja će biti nastavljena početkom slijedeće školske godine.

## MIGRANTI

Na osnovu mjesečnih izvještaja Operativnog tima za pitanja migranata, a prema podacima IOM-a (International Organization for Migration) na području Kantona Sarajevo u prihvatnim i imigracionim centrima broj migranata, u periodu januar - juni 2022. godine, kretao se od 964, koliko ih je bilo u mjesecu martu do 1.550 evidentiranih u mjesecu junu ove godine.

BROJ MIGRANATA KOJI JE BORAVIO NA PODRUČJU KANTONA SARAJEVO U PERIODU JANUAR - MART 2022. GODINE  
(SLOBODNA PROCJENA I PODACI IOM-a) PO MJESECIMA

godina/mjesec	januar	februar	mart	april	maj	juni	
<b>2022. godina</b>	<b>1.141</b>	<b>1.167</b>	<b>964</b>	<b>1.160</b>	<b>1.195</b>	<b>1.550</b>	
2021. godina	3.983	4.028	2.673	2.469	2.262	1.723	
UPOREDBA	+/-	-2.842	-2.861	-1.709	-1.309	-1.067	-173
	%	-71,4%	-71%	-63,9%	-53%	-47,4%	-10%

U periodu januar - juni 2022. godine migranti su učestovali u 23 događaja sa obilježjem krivičnog djela (29 ili 52,7% manje) i to:

- ubistvo u pokušaju (čl. 166/28 KZ FBiH) – jedan,
- lahka tjelesna ozljeda (čl. 173 KZ FBiH) – tri,
- krađa (čl. 286 KZ FBiH) – tri,
- krađa u pokušaju (čl. 286/28 KZ FBiH) – dva,
- teška krađa (čl. 287. KZ FBiH) –tri,
- teška krađa na naročito opasan ili naročito drzak način (čl. 287/b KZ FBiH) – jedan,
- teška krađa u pokušaju (čl. 287. u vezi člana 28. KZ FBiH) – jedan,
- razbojnička krađa (čl. 288. KZ FBiH) – dva,
- razbojništvo (čl. 289 KZ FBiH) – tri,
- razbojništvo u pokušaju (čl. 289/28 KZ FBiH) – jedan,
- oštećenje tuđe stvari (čl. 293. KZ FBiH-a) – dva i
- ZONDINOIM (Zakon o nabavljanju, držanju i nošenju oružja i municije Kantona Sarajevo) – jedan događaj.

Policijski službenici su u periodu januar – juni 2022. godine kontrolisali 321. migranta, od čega 58 nije posjedovalo registracioni obrazac, 36 je upućeno službi za poslove sa strancima radi registracije, 77 migranata je smješteno u imigracione centre i nad osam migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 16 akcija) na području Kantona Sarajevo, u izvještajnom periodu, policijski službenici Uprave policije MUP-a Kantona Sarajevo pronašli su ukupno 32 migranta koje su predali nadležnoj službi za strance.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI NA PODRUČJU KANTONA SARAJEVO U PERIODU JANUAR – JUNI 2022. GODINE

PERIOD JANUAR - JUNI 2022. GODINE	KANTON SARAJEVO
UKUPAN BROJ MIGRANATA KOJI TRENUTNO BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.550
UKUPAN BROJ KONTROLISANIH MIGRANATA	321
BROJ MIGRANATA LIŠENIH SLOBODE	19
BROJ KRIVIČNIH DJELA POČINJENIH OD STRANE MIGRANATA	23
BROJ PREKRŠAJA POČINJENIH OD STRANE MIGRANATA	1
BROJ INCIDENATA POČINJENIH OD STRANE MIGRANATA	30
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	16
BROJ MIGRANATA PREDATI U IMIGRACIONI CENTAR ILI SLUŽBI ZA POSLOVE SA STRANCIMA	113